

BASES E CONVOCATORIA DO CURSO DE FORMACIÓN ESPECÍFICA DE SOCORRISMO EN INSTALACIÓNS E ESPACIOS ACUÁTICOS NATURAIS NA COMUNIDADE AUTÓNOMA DE GALICIA (código CFES – IEAN)

A formación de socorristas resulta esencial para o desenvolvemento turístico do destino turístico Ferrolterra-Rías Altas que a Mancomunidade de concellos da Comarca de Ferrol promociona.

Con este obxecto, convócase coa colaboración da Deputación da Coruña un **curso de formación específica de socorrismo en instalacións e espazos acuáticos naturais na Comunidade Autónoma de Galicia**

Este curso ten unha duración de 240 horas, consistentes en 120 horas a convalidar cunha proba específica de natación e outras 120 horas de formación presencial teórico-práctica.

REQUISITOS DE INSCRICIÓN

- Ser maior de 18 anos.
- Posuír, como mínimo, a Certificación ESO, como formación mínima acreditada.
- Encontrarse empadroadado en calquera dos seguintes concellos que forman parte do destino turístico Ferrolterra-Rías Altas de acordo coa Lei 7/2011, do 27 de outubro, do turismo de Galicia: Ares, Cabanas, A Capela, Cariño, Cedeira, Cerdido, Fene, Ferrol, Mañón, Moeche, Monfero, Mugar dos, Narón, Neda, Ortigueira, Pontedeume, As Pontes de García Rodríguez, San Sadurniño, As Somozas, Valdoviño e Vilarmaior. O empadramento debe ser anterior ao 1 de xaneiro de 2023.

OBXECTIVOS DO CURSO

A finalidade deste curso é dotar **de formación específica de socorrismo en instalacións e espazos acuáticos naturais na Comunidade Autónoma de Galicia**, onde o obxectivo fundamental é velar pola seguridade dos usuarios de instalacións e espazos acuáticos naturais, previndo situacións potencialmente perigosas e intervindo de forma eficaz ante un accidente ou situación de emerxencia neste tipo de medios acuáticos.

PROBA ESPECÍFICA DE ACCESO A SUPERAR

Descrición da proba:

- O aspirante, situado no poyete da piscina, introdúcese na auga (de pé ou de cabeza a proposta do tribunal) mergullando ata o fondo da piscina (mínimo 1,60 metros de profundidade).

- A continuación percorre en apnea prolongada unha distancia de 15 metros.
- Ascende a superficie e completará os primeiros 25 metros nadando a estilo libre.
- Posteriormente percorrerá 25 metros estilo crol coa cabeza fora, mantendo a visión fora da auga, a orientación e a observación do entorno.
- Seguidamente realizará 50 metros a braza.
- Unha vez percorridos colocará as aletas situadas nun extremo do borde do vaso manténdose en flotación dinámica.
- Despois de colocar as aletas realizará 50 metros nadando a costas seguidos de 50 metros a crol, dando por finalizada a proba.
- Dita proba deberá ser completada nun máximo de 5 minutos 30 segundos. No caso de non ser superada non poderá realizarse o curso.

CONTIDOS DO CURSO

Os contidos desta acción formativa son os seguintes:

- CFESG-IEAN – 1: Proba específica (120 horas)
- CFESG-IEAN – 2: Prevención de situacións de riesgo e vixilancia en instalacións e espazos acuáticos naturais (20 horas)
- CFESG-IEAN – 3: Intervención E rescate en instalacións e espazos acuáticos naturais (60 horas)
- CFESG-IEAN - 4 Primeros auxilios e actuación inicial en emerxencias en instalacións e espazos acuáticos naturaiss (40 horas)

PREZO DO CURSO

O curso ten carácter gratuíto. Non obstante, as persoas seleccionadas disporán dun prazo de dous días dende a comunicación por correo electrónico do resultado do proceso selectivo para realizar un depósito de 50 € seguindo as instrucións que se facilitarán na mesma comunicación. A non realización do devandito depósito dentro do prazo será motivo para excluír á persoa seleccionada e incorporar a outra candidata que tivese superado as probas seguindo a orde de prelación.

A cantidade depositada será devolta sempre que a persoa realice completamente o curso de forma que cumpra o requisitos para a obtención do título.

VALORACIÓN DO PROCESO SELECTIVO

O curso consta dun máximo de 25 prazas.

Os aspirantes accederán ás prazas pola orde obtida na proba específica de piscina de menor tempo en adiante.

PROCESO E PERÍODO PRESENTACIÓN INSTANCIAS

As instancias de solicitude de participación, acompañadas da documentación abaixo indicada, presentaranse no Rexistro Xeral da Mancomunidade (Pazo Municipal de Ferrol, Praza de Armas s/n, 15402, oficina de Secretaría, primeira planta), no Rexistro auxiliar da Mancomunidade (oficinas administrativas do Mercado Municipal da Magdalena, Rúa Igrexa s/n, 15402 Ferrol) ou ben mediante o procedemento que regula o artigo 16.4 da Lei 39/2015, do 1 de outubro, do procedemento administrativo común das administracións públicas, no prazo de oito días hábiles dende a publicación do anuncio desta convocatoria no BOP. Se conforme a ese precepto se presenta a instancia a través das oficinas de correos, deberá aparecer o selo na propia solicitude. Doutro modo, a data de anotación no Rexistro xeral será a que se teña en conta a todos os efectos.

Para o obxecto de coñecer a presentación das instancias noutros rexistros ou en correos e poder realizar o seu seguimento, nestes supostos, as persoas solicitantes deberán comunicalo durante o mesmo prazo de presentación de instancias, remitindo copia da solicitude presentada e xa rexistrada mediante correo electrónico dirixido a mancomunidade@ferrol.es indicando como asunto: CONVOCATORIA CURSO SOCORRISTA. Neste suposto enviarase copia escaneada da solicitude rexistrada.

Aos efectos da presentación mediante o Sistema de Interconexión de Rexistros (SIR), as persoas aspirantes que presenten a súa instancia dende un rexistro de outra administración poderán facela chegar á Mancomunidade a través do rexistro do concello de Ferrol. En todo caso deberán cumprir o indicado no parágrafo anterior.

As persoas aspirantes farán constar na instancia que reúnen tódolos requisitos sinalados nestas bases.

Documentación a presentar:

- a) Solicitude (anexo I).
- b) DNI.
- c) Documentación acreditativa de estar en posesión do título formativo requirido.
- d) certificado de empadramento

Na páxina web da Mancomunidade www.comarcaferrolterra.es establecerase a relación de aspirantes admitidos á proba específica e, por conseguinte, ao proceso selectivo.

DATA DA PROBA ESPECÍFICA DE PISCINA

Unha vez supervisadas as instancias e publicada a relación de aspirantes, a Mancomunidade publicará no taboleiro de anuncios súa páxina web www.comarcaferrolterra.es a data, horario e lugar de celebración da proba de piscina.

LUGAR E DATA DE REALIZACIÓN DO CURSO

O curso desenvolverase nas instalacións do Concello de Ferrol en xornadas de fin de semana. As aulas prácticas en espazos acuáticos naturais terán lugar en espazos acuáticos naturais por determinar.

As aulas, piscina e horarios do curso serán publicitados na web da Mancomunidade con antelación ou no momento da publicación do resultado do proceso selectivo.

ANEXO I

| | |
|--|--|
| Nome e apelidos | |
| DNI | |
| Data de nacemento | |
| Dirección | |
| Concello no que se encontra empadroadado | |
| E-mail | |
| Teléfono móbil | |

Documentación aportada:

1. DNI.
2. Titulación académica.
3. Certificado de empadramento

Autorizo á Mancomunidad de Concellos da Comarca de Ferrol para comprobar a veracidade dos datos aportados no presente documento.